



ԱՄԵՆԱՅՆ ՀԱՅՈՑ ԿԱԹՈՂԻԿՈՍ ԳԷՈՐԳ Զ-Ի ԱՆԴՐԱՆԻԿ ԿՈՆԴԱԿԸ

ԳԵՈՐԳ ԾԱՌԱՅ ՅԵՍՈՒՍԻ ՔՐԻՍՏՈՍԻ ՈՂՈՐ ՄՈՒԹԵԱՄԲՆ ԱՍՏՈՒԾՈՅ ԵՒ ԿԱՄՈՔ ԱԶ-
ԳԻՆ ԵՊԻՍԿՈՊՈՍԱՊԵՏ ԵՒ ԿԱԹՈՂԻԿՈՍ ԱՄԵՆԱՅՆ ՀԱՅՈՑ ԾԱՅՐԱԳՈՅՆ ՊԱՏՐԻԱՐԺ
ՀԱՄԱԶԳԱԿԱՆ ՆԱԽԱՄԵԾԱՐ ԱԹՈՌՈՅ ԱՅՐԱՐԱՏՆԱՆ ԱՌԱՔԵԼԱԿԱՆ ՄԱՅՐ ԵԿԵՂԵՑԻՈՅ
ՍՐՐՈՅ ԷԶՄԻԱՍՆԻ

Շնորհազարդ Կաթողիկոսի Տաճն Կի-
լիկիոյ Տ. Գաբգեհի՝ Սբբազան եղբոր Մե-
րում հարազատի, Ամենապատիւ Պատրիար-
փն Երուսաղէմի՝ Տ. Կիրղի Արքեպիսկո-
պոսի և Տեղապահի Պատրիարքութեան Կ.
Պոլսոյ՝ Տ. Գլխաւոր Արքեպիսկոպոսի, Գե-
րապատիւ Առաջնորդայ, Արքեպիսկոպոսաց,
Եպիսկոպոսաց, Վարդապետաց, Քահանա-
ից, Սարկաւազաց և ամենայն պաշ-
տօնէից եկեղեցւոյ և հաւատացեալ համայն
ժողովրդեան Մերում՝ հարազատից Մայր
Արքոռոյ Ս. Էջմիածնի ՈՂՋՈՅՆ ՀԱՅՐԱԿԱՆ
ԵՒ ՕՐՀՆՈՒԹԻՒՆ ՀԱՅՐԱՊԵՏԱԿԱՆ:

Այսու ԱՆԴՐԱՆԻԿ ԿՈՆԴԱԿԱՒ ՄԵՐՈՎ
յայտ առնեմք ամենայն ժողովրդեան Հա-
յաստանեայցս եկեղեցւոյ ի հորհրդային
Հայաստանի և ի հորհրդային Միութեան,
որպէս և հաւատացելոց, որ սփռեալք են ի
Պարսկաստան, ի Հնդկիս, յԻրաք, ի Սիրիա
և Լիբանան, ի Պաղեստին և յԵգիպտոս, ի
Յունաստան, ի Բուլղարիա և ի Ռումանիա, ի
Ֆրանսիա, ի Միացեալ Նահանգս և ի Կա-
նադա, ի Հարաւային Ամերիկա, յԱրգենտին
և ի Բրազիլիա և յայլ տեղիս, եթէ ի 22-ն
յունիսի՝ ընդ Նախագահութեամբ Շնորհա-
զարդ Կաթողիկոսին Տաճն Կիլիկիոյ՝ ԿԱՏԱ-
ՐԵՑԱԻ ԸՆՏՐՈՒԹԻՒՆ ՄԵՐ յԱրքո Ս. Լուսա-
ւորչի՝ ՄԻԱՔԱՆ ՀԱՒԱՆՈՒԹԵԱՄԲ համօրէն
111 պատգամաւորաց, որք ժողովեալք էին
ի Ս. Էջմիածին, ի մերմէ աշխարհէս և յայ-
լոց Պետութեանց յընտրութիւն նորոյ Կա-
թողիկոսի: Իսկ յետ երկուց աւուրց՝ ի 24-ն
նոյն ամսոյ ընկալաք զօծումն Հայրապե-
տական ի ձեռն Կաթողիկոսին Կիլիկիոյ և
հնգից եպիսկոպոսաց ըստ ծիսի և աւան-
դութեան Հայաստանեայց եկեղեցւոյ:

Ձայս եկեղեցական-Ազգային ժողով հա-
մարիմք արտաւոյ իմն կարգի ի պատմու-

րեան մերում, զի զայս առաջինն յընտրու-
րիւն և յօծումն Կաթողիկոսի Ամենայն Հա-
յոց եկեալ էին Շնորհազարդ Կաթողիկոսն
Տաճն Կիլիկիոյ հանդերձ եկեղեցական և
աշխարհիկ պատգամաւորք իւրով, որպէս
և Ամենապատիւ Պատրիարքն Հայոց Երու-
սաղէմի և Տեղապահն Պատրիարքութեան
Հայոց Կ. Պոլսոյ, որով առաւել ևս հաստա-
տեցաւ միասնականութիւն եկեղեցւոյն Հա-
յոց:

Արտաւոյ կարգի են ապաքէն և ներկա-
յութիւն Նախագահին հորհրդոյ համայն
Դաւանութեանց հորհրդային Միութեան, որ
յատկապէս եկեալ էր ի Մոսկվա մայրաքա-
ղաքէ, սոյնպէս և ներկայութիւն Նախագա-
հին հորհրդոյ Հայաստանեայց եկեղեցւոյ:
Ընդ որ գոհանամք յոյժ և պատիւ մեծ հա-
մարիմք Հայրապետական Արքոռոյն Հայոց:

Ի ժողովի աստ բճնեցան բազումք խըն-
դիրք, որք հային ի վերակազմութիւն Մեծի
Տաճն, ըստ տնտեսականին և ըստ վարչա-
կանին. հաստատեցաւ և նոր ՍԱՀՄԱՆԱ-
ԴՐՈՒԹԻՒՆ ի տեղի Պոլսոյն հայի ըստ
նոյն պատմական աւանդութեանց եկեղեց-
ւոյ մերոյ և ըստ արդի հանգամանաց:
Զպատեցէն արձանագրութեանց ժողովոյ և
վճահմանագրութեան ունիմք առաքել առ
ամենայն Առաջնորդս և առ եկեղեցական
Վարչութիւնս Հայաստանեայց եկեղեցւոյ՝
ի գիտութիւն և յառժամանակեայ կիրառու-
րիւն:

Քանզի ի փոխադրութենէ Ս. Արքոռոյն ի
Սսոյ յԷջմիածին անցեալ էին աւելի քան
գոթոթ ամ, ուստի ժողովն բարւոք համարե-
ցաւ զայս մեծ և պատմական իրողութիւն
յաւերժացուցանել յորելիմական հանդիսի.
զայսմանէ տալով գիտել հաւատացելոց

մերոց՝ ունիմք արձակել գառանձինն Կոնդակ և հրահանգս այս օրոշման:

Յերկրորդում նստի ընթերցաւ Մեք զՏեղեկագիր ընդարձակ յաղագս նիւթական և բարոյական հանգամանաց Մ. Արոտոյս տալով գտեղեկութիւնս վասն նորոգ կարգադրութեանց Խորհրդային Կեդրոնական Կառավարութեան ընդ ստորագրութեամբ բարեացակամ Նախագահի Ի. Վ. ՍՏԱԼԻՆԻ՝ համաձայն գրաւոր խնայրանաց Մերոց, դնին ընդ տեսչութեամբ Արոտոյս բոլոր շինութիւնք, որ ի մէջ պարսպաց և արտաքին նոցին. այն իսկ են շինութիւնն նոր վեհարանի, ձեմարանի, Տպարանի և Միաբանութեան և այլք: Ընկալեալ է Մեր իրաւունս բանալոյ տպարան՝ առ ի հրատարակել զպաշտօնական ամսաթերթն «ԷՋՄԻԱՄԻՆ», զոր և տեսանէի իսկ, և զայլ եկեղեցական մատենա պաշտաման Հայաստանեայցս եկեղեցւոյ. բանալ ձեմարանն հոգեւոր՝ առ ի պատրաստել պաշտօնեայս եկեղեցւոյ: Արդէն իսկ ունիմք փանի մի վարդապետս ի նախկին սանուց ճեմարանի և Ներսիսեան դպրանոցի, յորոց զովանս ձեռնադրեցաւ յեպիսկոպոսութիւն վասն առաջնորդութեան բեմորէից Խ. Հայաստանի:

Յայտնեմք զուրախութիւն Մեր և զգոհութիւն հոգեւոր եղծօր Մերում Տ. Գարեգին՝ Շնորհազարդ Կաթողիկոսի Տանն Կիլիկիոյ, որ ընդ եկեղեցական և աշխարհական պատգամաւորօք իւրով նպաստաւոր եղև յոյժ միասնականութեան ՀԱՅԱՍՏԱՆԵԱՅՑԱՅ ԵԿԵՂԵՑՐԱՅ և բարձր տրամադրութեան ժողովականաց, և առհասարակ յաջող վերջաւորութեան ժողովոյս ըստ ամենայն մասանց: Զնոյն հայտնեմք և Ամենապատիւ Պատրիարքին Նուսադէմի՝ Տ. Կիրոյի և Տեղապահին Պատրիարքութեան Կ. Պոլսոյ՝ Տ. Եփրեմայ Արքեպիսկոպոսի Արարանեան:

Օրհնելով զհամայն ժողովուրդ Մեր, գամենայն Եպիսկոպոսունս, զփանաջոյս և զպաշտօնեայս եկեղեցւոյ, պատուէր Հայրապետական տամք և յորդոր հայրական, զօրացուցանել զեղբայրական սէր առ միմեանս, առ եկեղեցին և առ Մայր Աթոռ Նորա, առ պատմական Հայրենիս և Խորհրդային Կառավարութիւնն նորա, զի սէր է աղբիւր ամենայն նիւթական, բարոյական և մտաւոր յառաջադիմութեանց և բարգաւաճմանց: Միեւեթ գմայրենի լեզուն մեր, զգրականութիւն և զպատմութիւնն նախնեաց, որ շողկալաք են միութեան և լուրսեան ազգիս. մանաւանդ ցրունալ հօտին Մերոյ ի Սփիւռս: Յատուկ պատուէր տամք վերջ-

նոցս, զօրացուցանել և կարգաւորել զդպրոցս, տալով զհայացի դաստիարակութիւն մանկաւայն, զարթուցանելով ի նոսա սէր առ մայրենի եկեղեցին. որով կարեմք պահել զամբողջութիւն և զմիասնութիւն Ազգիս: Մի խզեսցին մտաւոր և հոգեւոր շողկալաք առ պատմական Հայրենիս, որ ծաղկեալ ծաղկի յամենայն մարզս ըստ ամենայն մասանց ընդ հովանեալ Խ. Իշխանութեան:

Օրհնեմք զազգայինն մեր Մամուլ և յորդորեմք հայրաբար գուն գործել զարթուցանել զգիտակցութիւն և զսէր յայս միտս եղբայրական յարաբերութեան և կենաց:

Պատուէր տամք հաւ պանդխտեալ հայոց, որ ի Սփիւռս՝ յինել հաւատարիմ Պետութեանց յորոց գտեալ է նոցա ասպնջականութիւն եղբայրական:

Աստուծօր յիշել կամիմք և զպառակտեալ վիճակ եկեղեցւոյս մերոյ ի Միացեալ Նահանգս, որ ցաւ է Մեզ և համայն ողջամիտ հայոց: Պատուէր տամք, որոց անկ է, ԼՈՒԻՍԱՆՆԻ, զամենայն ԱՆԶԱՏ ԿԱԶՄԱԿԵՐՊՈՒԹԻՒՆՍ, որք չեն հաստատեալ ՀԱՅՐԱՊԵՏԱԿԱՆ Իշխանութեամբ. պարտ է նոցա ըստ հոգեւորին և ըստ վարչականին ենթակայ լինել Առաջնորդին՝ Տեառն Տիրան նորապետական Եպիսկոպոսին. իսկ փանաջայից՝ խոստանալ հնազանդութիւն կատարեալ, որպէս վիճակաւոր Առաջնորդին իւրեանց, վերահաստատելով զմիութիւն պառակտեալ հօտին:

Զկարգաւորութիւնն գործոյս յանձնեմք ի կատար ածել Տ. Տիրան Եպիսկոպոսի՝ հոգեւոր զաւակի Մերում, ըստ մտաց Կոնդակիս:

Յուշ առնեմք ժողովրդականաց Մերոց, թէ որպիսի շարեաց աղբերք են ալղալիս երկպառակութիւնք ընդ յարկաւ եկեղեցւոյ. յորոց պարտ է զգուշանալ առ ի շինութիւն և ի պահպանութիւն Մայր եկեղեցւոյ:

Բայց ունիմք յայտնել և զուրախութիւն մեծ, եթէ յաղթական վախճան ահաւոր համաշխարհային պատերազմիս ըստ առաւելեալ չափու և կարողութեան մասնակից եղև և ազգ մեր համայն՝ առաքելով զորդիս իւր ընդդէմ նախադարձակ բշտամոյն: Բազում հայազգի զօրավարք և զունդք կազմեալք ի հայոց, որպէս և առանձինն զինուորականք ի զանազան մասունս զօրաց, ժառանգեցին զանուն փայտեան և զհերոսութեան, բարձրացուցանելով զանուն Ազգիս ի հերոսական Կարմիր Բանակին և ի համայն Խ. Միութեան: Իսկ մնացեալ փաղափաքի Խ. Հայաստանի բերին զջան և զաշ-

խատան օգնական լինելով յաղրութեանն հիւրական և բարոյական օժանդակութեամբ:

Յանելումբ աստանօր, քէ առ այս գործ նուիրական ի պաշտպանութիւն Հայրենեաց ոչ միայն ֆաղաֆացիք և Միութեան ցուցին զբոլորանուէր սէր և զհամակրութիւն, այլ և հատուածք և զաղութ յարտասանմանեան Պետութիւնս՝ ըստ յորդորանաց Մերոց՝ ցուցին զնոյն սէր և զհամակրութիւն, առաջելով դրամական նուէրս ի կազմութիւն Տանկաց Սասունցի Դարբի և այլ օժանդակութիւնս կարմիր Բանակին:

Յայտնելով զգոհունակութիւն Մեր զայս գործոյ հայրենասիրութեան՝ ցանկամբ և հաւատամբ, զի և յայսմհետէ զնոյն փոյր և եռանդն ցուցցեն ի շինարարութեան մերոց Հայրենեաց բանիւ և գործով:

Պատգամաւորք եկեալք ի հեռաւոր վայրաց՝ տեսին աշօք իւրեանց զսփանչելի բարգաւաճումն նորաբողոք Հանրապետութեանս Հայաստանի, տեսին զհիւրական շինարարութիւն մայրաքաղաքին. զընդարձակ ծառազարդ պողոտայս և զհարտարապետական գեղեցիկ և հոյակապ շինութիւնս վասն պետական հաստատութեանց և բնակութեանց ֆաղաֆացեաց, տեսին զքէատրոնն փառաւոր, զՏունն հորհրդի. զհամալսարանական քաղամասն, զբազմատեսակ հիւանդանոցս, զկարգաւորեալ և զնոյն Թանգա-

րանս՝ պատմական, զեղարուեստական, զՀանրային գրադարան, զմին ի մեծագունից ի և. Իշխանութեան, զՋեռագրատունն կարգաւորեալ և նոյն, զպարծանս Ազգին, զՀիմնարկութիւն գիտութեանց և արուեստից, զԱկադեմիայն գիտութեանց, զբազմակիւղ Համալսարանն, զԿոմիտէն պահպանութեան հնութեանց. զԵրաժշտանոցն և զպարոց նկաշութեան և այլն. զբարգաւաճումն երկրագործութեան և այգեգործութեան, զգործարանական և արդիւնաբերական հաստատութեանց. տեսին զնորահաստատ ծաղկեալ գաղութաւանս Նոր-Արարկիրի, Մալաթիայի, Նուբարաշէնի և այլն. զայս ամենայն պարտական և մի հովանաւորութեան և. ՄիոնիթեԱն, յանդամոց որոյ մին է և և. ՀԱՅԱՍՏԱՆ:

Մաղքեմբ զի առաւել զօրացի հորհրդային Իշխանութիւնն ոչ միայն յօգուտ ազգաց Միութեան. այլ և վասն խաղաղութեան, ազատութեան և բարօրութեան հանուր մարդկութեան:

Ի վերջ բանիս վերստին Երեւելով զհամայն ժողովուրդն Հայոց աղօթս մատուցանեմք առ Բարձրեալն վասն խաղաղութեան ամենայն աշխարհի և հաստատութեան սրբոյ եկեղեցւոյ, զի ի խաղաղութեան ծնանի բարօրութիւն ազգաց, ի խաղաղութեան զօրանան կրօն և եկեղեցի:

ՇՆՈՐՀՔ ՏԵԱՌՆ ՄԵՐՈՅ ՅԻՍՈՒՍԻ ՔՐԻՍՏՈՍԻ ԵՂԻՅԻ ԸՆԴ ՁԵԶ ԵՎ ԸՆԴ ԱՄԵՆՆՍԵԱՆ. ԱՄԻՆ:

ԿԱԹՈՂԻԿՈՍ ԱՄԵՆԱՅՆ ՀԱՅՈՑ

ԳԵ. . . 28

Դրեցաւ անդրանիկ Կոնդակս օրհնութեան
ի 1-ն Ապրիլի 1946 ամի Փրկչական և
ըստ Տոմարիս ՌՅՂԵ
Ի Ս. ԷԶՄԻԱՄԻՆ